

## Was die wind seynd

**A**ber was der wind sey schreibe vns Aristoteles/ vnd die andern hoch  
geleerten/ Ist nit anders wan ain dampff oder pradem/ der sich vō der  
hitz der sunnen auß der erden in die höhe der lufft zeucht  
Auch ain iettlicher wind seinen namen schepft/ nach dem er auß ainem vier  
tail in die welt kummet

### Von dem ersten Wind

*Westerwind*  
**D**er erst wind/ haist Westerwind der kumpt von orient von der Sunnen  
auffgang/ Der ist haiss vnd trucken Auch gern schön  
Der selbig hat zu ainer ietwedern seitten ainen ander wind. Der zu der rechte  
en haist zu latein/ Vulturnus zu teütsch Ost sud/ vnd ist ser truckner natur  
Der zu der lincken haist zu latein Eur<sup>9</sup> orientalis zu teütsch Ost nord/ bringt  
trugken wolcken/ seind all gesundt/ yedoch vor mittag gesünder wann dar  
nach. Auch seind sy gesünder wann sy vom nidergannig herkommen/ Auch  
sind sy merer der sinnlikait in dem menschen vnd sind besser dann all ander  
wind

### Von dem andern wind

*Meridion.*  
**D**er ander wind haist Meridion in latein Auster/ in teütsch Suden/  
der kumpt von mitag. vnd ist warm vnd feücht. Der hat auch zu ain  
er yetwedern seitten ain andern wind. Der zu der rechten haist zu latein Afri  
cus. Auch Ciro auster in Teütsch Sud west/ ist ganz warm. Der zu der linck  
en seitten haist in latein Euro nothus in teütsch Sud ost. Ist warm meßig  
Seind all feücht vnd warm vnd seer vngesund/ thund vnser natur vast we  
Sy kummen auß warmen landen/ darinn vil vergiffter thier sind dar durch  
der luft vergiffte wirt vnd vns schaden bringen/ öffnen die leib/ bewegen die  
feüchtikait/ vnd betrieben das geblütt in dem menschen widerumb in Franck  
hait fallen/ darumb flüch ain ietwederer Francker mensch die mittäglichen  
wind/ Auch machent sy vil flüß in den gelidern/ als artheticam/ podagram  
Auch machent sy den menschen krätzig schwerig vnd vnrain an der hautt  
Auch bewegen die wind den hohen wetagen/ Sant Valenteins siechtagen  
vnd andere schwäre Franckait/ Auch machent sy den menschen schlafferig  
vnd bringen schwäre vnd grose fieber/ machē übel hören/ auch machen sy  
dicke trübe augen/ Auch machen sy schwättige träge faist leit/ Auch bringē  
sy den schwindel